

# Manmin nga mga Balita

NO. 33 AGOSTO II, 2013

## Sobra sa 350 ka mga midikal nga doktor gikan sa 24 ka mga nasod ang nahimong saksi sa gahum sa Diyos!

### Ang WCDN's 10th International Christian Medical Conference sa Mexico



Ang World Christian Doctors Network (WCDN) mao ang organisasyon sa mga kristohanong doktor imabaw sa mga dominasyon, nga gipahamtang didto sa South Korea. Ang mga miyembro naghigalaay ug nagpamatuud sa buhi nga Diyos pinaagi sa mga sagradong kaayuhan ug nagtudlo sa katungdanan ngadto sa mga kristohanong doktor. **Mga litrato 1:** Ang 10th International Christian Medical Conference, **2:** Welcome Message ni Dr. Daniel Fuentes, ang Organizing Committee Chairman, **3:** Ang pasundayag sa Sound of Light Chorus, **4:** Ang pasundayag ni Dr. Carlos Gomes Barbosa.

Hunyo 14-15, 2013, ang 10th International Christian Medical Conference gihimo sa WCDN (World Christian Doctors Network) didto sa Toluca, Mexico.

Mga 350 ka midikal doktor og propisyonal gikan sa 24 ka mga nasod ang nanambong, ang komperensya niigo ubos sa tema nga "Spirituality and Medicine". Sa welcome-message ni Dr. Gilbert Chae, presidente sa WCDN, ni hangyo siya sa panaghiusa sa pagtoo sa mga Kristohanong doktor og ni awahag nila nga mapukaw ang mga medikal propisyonal pinaagi sa maong komperensya. Si Dr. Jaerock Lee, nagtukod og Board Chairman sa WCDN, niingon sa iyang video-message nga "Ang pagpangalagad sa WCDN gikinahanglan kaayo ining naghinapos nga panahon aron sa pag giya sa mga kalag ngadto sa dalan sa kaluwasan. Mao nga hangyoon ko kamo sa pag hatag sa inyong kaugalingon ining maong tumong, uban sa inyong bug-os nga kasing kasing, hunahuna og kusog".

Dr. Daniel Fuentes, Chairman sa Mexico Organizing Committee nagpadayag sa iyang kalipay sa WCDN sa pag-ingon, "Dako kaayo natong dungog nga maoy

unang nasod sa Latin America nga gihimoan ining WCDN Christian Medical Conference".

Uban ang medical-data, king komperensya maipadayag uban sa 7 ka kaso nga imposibleng maayo, apan nahatagan og kaayohan ubos sa mga pag-ampo. Si Dr. Chae ni presentar og 2 ka kasong kritikal tungod sa 'cerebral hemorrhage' og kini nangaayo pinaagi sa pag-ampo ni Dr. Lee uban ang pagtoo.

Dr. Pastrana Figueroa, Mexican plastic-surgeon ni paabot sa kaso sa iyang anak. Ang iyang anak na koma (takotsubo cardiomyopathy) human sa plastic-surgery. Apan human nga nakadawat sa pag-ampo ni Dr. Jaerock Lee, naayo kini. Dr. David Eu, family-physician sa Singapore, ni presentar usab sa kaso sa iyang anak. Ang iyang anak naay 'sepsis' tungod sa 'Urinary tract infection' nga nag dala og 'paralytic ileus og jaundice' apan naayo usab kini pinaagi sa pag-ampo ni Dr. Lee.

Human sa kada presentasyon nagkalain-lain mga pangutana og tubag ang mo sunod. Ang matag usa nga naka eksperyensya sa sagradong kaayuhan, personal nga mopakita-nga maoy

nakakabig sa atensiyon sa nanambong! Si Dr. Andre Gasiorowski (Israel) presidente sa Helping Hand Coalition, nipaila sa kaso sa usa ka babaye nga 'violinist' nga naay Hodgkins lymphoma og kini naayo, nibalik sa normal pinaagi sa sagradong gahum. Human sa presentasyon, ang babaye nisulti sa iyang personal nga panghimatuud og naghimaya sa Diyos pinagi sa iyang presentasyon ug pasundayag.

Dugang pa, naay mga espesyal nga mga pagpanudlo nga gihatag nga maoy nakapapukaw, espiritwal, sa mga nanambong isip mga medical-professionals. Si Dr. Luis Paz, taga Puerto Rico, og Dr. Apolos Landa, sa Peru, nihatag og pagtudlo sa 'Christian Doctors Vocation' og sa 'aspects of respects' nga nipasabot nga ang mga doktor makahatag gyud ug kaayuhan sa pasyente sa espiritwal o pisikal.

Si Dr. Alvin Hwang nihatag ug espesyal nga pagtudlo sa "The principle that we need to know to receive Divine Healing" basi sa sermon ni Dr. Jaerock Lee. Dugang pa, nipasabot siya mahitungod sa kalabutan sa pagkabalaan og sa kaayuhan sa gahum sa Diyos pinaagi sa pagpakita sa kaso sa

iyang anak, Lucia Hwang, nga naayo sa 'Calcific Tendinitis' diha sa iyang kamot.

Ang pasundayag sa Sound of Light Chorus sa Performing Arts Committee sa Manmin Central Church nihatag og lig-on nga pagbati og pakigdait sa matag usa. Ang ilang nindot nga mga pagdayeg og sayaw nihatag sa dakong grasya og emosyonal nga katumanan.

Human sa komperensya, si Dr. Daniel Fuentes niingon, "Si Hesu kristo nihimo sa mga milagro sa una og karon og nagpakita sa Iyang gugma ngadto sa kalibutan. Kining komperensya naghimaya kaayo sa Diyos pinaagi sa kamatuurang medikal sa sagradong kaayuhan, espesyal nga mga panudlo nga nibag-o sa espiritu, og sa mga pasundayag nga puno sa Espiritu, nga makapahibulong!"

Sa mubo nga higayon, ang Costa Rican Ambassador ngadto sa Guatemala, Fernando Borbon, nihatag sa iyang kaayuhang panghimatuud sa pulmonary-tumor pinaagi sa pag-ampo ni Dr. Lee og maoy nihimo sa closing prayer sa unang adlaw sa komperensya. Ang ika-11 komperensya pagahimoon unya sa Bulgaria inig 2014.



Senyor Pastor Dr. Jaerock Lee

# Ang Gugma Maluluy-on ug Maayo

“Ang gugma mapailubon og maluluy-on. Dili kini masinahon o tigpanghambog” (1 Corinto 13:4).

Sa eksperimento ni Harry Frederick Harlow, American-psychologist, naghimo siya og duha ka klase sa “monkey mother machine” para sa duha ka baby monkeys. Ang duha ka makina makahimo sa paghatag og gatas. Ang usa hinimo sa ‘bare mesh wire’. Og ang usa giporma sa alambre og giputos kini sa humok nga panapton (terrycloth). Sa unang adlaw ang duha ka unggoy niinom og gatas didto sa duha ka makina, apan pag sunod adlaw didto na sila mo kapyot og ni suksok sa terrycloth mother nga humok og init-init.

Kini nagpasabot nga bisan ang mga hayop mas mopili sa humok nga mga butang. Mao usab sa mga katawhan nga maoy labaw sa tanang binuhat. Gawas diha sa hait ug laylo nga dughan, ang tawo mas gusto og mopili sa tawong maluluy-on.

## 1. Ang maluluy-ong dughan nga mohangop sa tanang katawhan

Ang ‘kaluuy’ espirituwal nga nagpasabot sa dughan nga mobati sa tanang tawo og ang mga tawo ma komportable niana. Aron masabtan og klaro, hunahunaa ang gapas. Dili kini motingog bisan maigo sa mga bisan unsang gahi nga butang. Hinuon, dali nga makasuksok ang mga butang niini.

Ang maluluy-ong dughan sama sa dakong punoan sa kahoy nga naay daghang dahon nga maghatag og kapahulayan sa tawo. Kung mag alimuot sa tig-init, ang mga tawo mopahulay ilawom ining kahoya aron makalikay sa kainit sa adlaw og magpa uga sa singot.

Ang mga kalibutanhong tawo maghunahuna nga ang tawong hilumon nga dili mailhang masuko og dili mopasuber sa iyang opinion, kini nagpakita og kaayo. Apan ang hunahuna sa tawo mahitungod sa pagkamaayo og ang pagkamaayo nga giila sa Diyos dili magkapareha. Dili ingon nga maayo nata kon ang atong pagkamaayo dili pareho sa giila sa atong Diyos, bisan pa og lumoy og maayo pa ta tan-awon.

Atong ingnon nga ang tawo manunoton og hinay og personalidad. Mosunod lang siya sa opinyon sa uban, apan iyang gitago ang iyang kasilang diha sa iyang dughan. Dili ta makaingon nga maayo siya tungod lang kay hilom og iyang gitagoan ang daotan diha sa

iyang dughan.

Ang tinuod nga maluluyon og maayong tawo walay daotan og mosapnay sa mga daotang tao uban ang espirituwal nga gugma. Dili pasabot nga magsigi nalang gyud ta og pasylo o tabon sa sayop sa uban. Usahay, ato gyud sad silang sultian og aron magiyahan sa sakto nga dalan. Ang espirituwal nga pagkamaayo mao ang kamaayo sa dughan og katarong nga makita.

## 2. Ang pagkabalaan mao ang sumbanan sa pagkamaayo

Aron makab-ot ang espirituwal nga kaayo, ato gyud unang papahawaon ang daotan diha sa atong dughan og magpakabalaan. Ang tawo nga maayo sama sa gapas nga di maghimo og kasamok bisan pa og hasolon sa uban. Dili sila makiglalis o maghimo og gubot ngadto sa uban tungod kay wala may daotan diha kanila.

Kung naay kalagot, kasina, kasuko, kinaugalingong-katarong dinha sa atong dughan, dili ta maka sapnay sa uban. Hinuon mo buak kini, sama sa usa ka butang kon ilambos ngadto sa bato. Kon ato lang kaugalingon ang pamation, ang atong pagbati dali ra kaayong masakitan kung naay mohatag nato bisan gamay nga kasamok. Mohusga dayon ta og moingon nga sayop ang uban imbis unta atong tabunan ang ilang mga sayop.

Kay dunay mga bakak diha kanato, dili nato mapadak-an ang atong matitud-anong dughan. kanang mga tawhana gamay ra kaayo og hunahuna og dali nga masuko kon sila i-tumbok. Mao nga ang sumbanan sa pag susi sa imong kamaayo mao ang pagpapahawa sa tanang daotan diha nimo.

Giila sa Diyos nga ikaw maayo kon ikaw balaan. Kini tungod kay ato lang makita ang kaayo sa uban og ato silang ma higugma kon walay daotan diha kanato.

Ang maayong tawo maluoy ngadto sa uban sa tanang hitabo. Dili dayon siya mohusga og iyang hatagan og maayong pagpasabot og paghigugma. Ang mga kasingkasing matunaw sa samang klase sa dughan. Dugang pa, kon ang tawo bug-os og balaan, iyang madawat ang hustong giya sa Espiritu Santo og siya makagiya usab sa uban ngadto sa maayong dalan pinaagi sa pagpasabot sa sitwasyon.

## 3. Kabuotan maoy mo insakto sa pagkamaayo

Dinhi, ang kabuotan mahubut pinaagi sa pagbaton sa kasingkasing o sa batasan nga mosabot og modawat sa uban. Mao ang pagbaton sa maayong dughan og mohimo sa maayong butang. Mao usab kon atong ibutang sa espirituwal nga bahin.

Ang tawong buotan maayo og dughan og molihok pinasubay sa pagkamatarong. Dili sila mamugos sa uban aron motahod pinaagi sa pagpakita sa ilang gahum. Mosulti sila sa matuud og mobuhat sa tinarong. Ilang madaog ang ubang dughan pinaagi sa pagsabot og pagsapnay sa ilang mga kalapasan. Mohatag silag paglaom og modawat sa gugma.

Ang kabuotan sama sa sapot nga gisul-ob nga maoy mo kompleto sa pagkamaayo. Bisin og unsa kapa ka gwapa apan kon hugaw og gision kag sanina, ang imong hitsura walay kaligdong. Mao usab, bisin og maayo ang imong dughan og dili nimo maipakita ang imong tinuod nga pagkamaayo, dili gihapon makita ang imong pagkabuotan.

Pananglitan, ang usa maayo og dughan, apan pataka lang og sapat sa estorya bisan naa pay nagsulti. Wala siya maghimo og daotan apan kuwang siya sa sakto nga pamatasan. Naa say dili masakitan og dili mahibalong manakit sa uban tungod kay ang iyang dughan maayo man, apan dili siya aktibo motabang og kulang siya sa konsiderasyon para sa uban. Kining mga butanga maoy magkuwang sa iyang kabuotan.

Unsa kaha kung si Hesus nagsigi pagbinuang sa iyang mga tinunan, nagsigi ug pasiaw, nagsul-ob og dili tarong nga paninina og nagdaphag diha sa dan? Tingali maglisod siya og kuhag respito sa katawhan. Apan siya naglakaw nga naay espirituwal nga dignidad og awtoridad nga makita, mao nga ang katawhan apil na ang Iyang mga tinun-an dili bagis ngadto Niya. Sama sa atong mabasa sa Mateo 12:19, “Dili siya makiglalis o mosinggit o mohimog masaba nga pakigpulong sa kadalanan”.

Kung ang bulak walay nindot nga kahumot og baho, bisan pa og daghan kinig dugos, maglisod ang mga buyog og pangita ini. Sa samang paagi kung dili ta tarong sa atong sinultihan og lihok, gamay rang tawo ang moduol nato bisan pa og maayo ta og dughan.

Tugbang niana, kon ang sulod sa atong dughan dili maayo bisan pa og maayo tang manulti og maayo ang atong mga lihok, kana mga pasumangil lamang.

## 4. Mga panalangin nga gihatag ngadto sa maayong tawo

Unsa ang mga panalangin nga atong mapahimuslan kon kita mahimong balaan og maka angkon sa dughan nga maayo og buotan?

Nag-ingon sa Mateo 5:5, “Bulahan ang mga mapaubsanon kay maila ang tibuok yuta”. Og mabasa sa salmo 37:11, “Apan ang mga mapaubsanon makapanag-iy sa yuta og magpuyo sa kadagaya og kalinaw”.

Dinhi “ang yuta” nipasabot sa langitnong puloy-anan og ang “makapanag-iy sa yuta” nagpasabot nga sila magpahimulos sa awtoridad ngadto sa Langit. Kini tungod kay ang mapaubsanon og ang ang maayong tawo maghatag og kusog og grasya sa mga kalag uban ang dughan sa Diyos. Tungod kay kita nagtinguha nga atong maangkon ang maayo og mapaubsanong dughan, mahimo tang mosapnay sa daghang kalag og mogiya nila ngadto sa dalan sa kaluwasan.

Kon kita mosapnay sa mga tawo, kini nagpakita nga kita nagpaubos sa atong kaugalingon og nagsilbi sa uban. Ang Langitnong awtoridad ihatag ngadto sa mga mapaubsanon nga nahibalong mosilbi. Sama sa nahisulat sa Mateo 23:11, “Ang labing dako ninyo kinahanglang mahimong inyong sulugoon”. Mahimo kang dako kon ikaw mosilbi sa uban.

Ang tawong maayo maglipay sa dakong awtoridad ngadto sa Langit og makapanunod sa dakong yuta. Tungod kay ang iyang kalag molambo, ang tanan magmaayo og higugmaon sila sa Diyos og tahuron sa daghang mga kalag sa Langit hangtod sa hangtod.

Mga kaigsoonan, ang Diyos mahimuot sa tawong balaan nga walay sala og daotan. Ako mag-ampo sa ngalan sa Ginoo nga ikaw mag-alima sa imong dughan ngadto sa kaayo nga naay katarong og daling mahimong balaan, mosapnay sa daghang katawhan dinhi sa kalibutan, og mahimong dakong tawo ngadto sa Langit.

### Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiosa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasalanan pinaagi lamang sa dugo ni Hesu Kristo.
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga

walay katapusan.

5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini. “Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25). “Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

**Manmin nga mga Balita**

Published by Manmin Central Church

Bisayan

235-3 Guro-3dong, Guro-gu, Seoul, Korea (postal code 152-848)  
Tel: 82-2-818-7047 Fax: 82-2-818-7048  
http://www.manmin.org/english / www.manminnews.com  
E-mail: manminministry@hotmail.com  
Publisher: Dr. Jaerock Lee  
Managing Editor: Geumsun Vin



## Susiha!

# 'Kon asa na ang imong nakab-ot sa espirituwal nga dughan'

Niay pipila ka kalainan sa espirituwal nga dughan nga maoy gusto sa Diyos og ang unodnong dughan nga giasoy sa 4 ka bahin. Nganong dili man nimo susihon kon asa na ang imong na kab-ot sa espirituwal nga dughan?

### Masugtanong dughan vs. sa Dughang hawud

Ang masugtanong dughan layo ra kaayo sa dughang bakakon nga mokupos, mopalayo sa responsibilidad og magduhaduha aron dili makadawat sa lisod nga buluhaton. Dili gani kahibalong mopakita og pagpaubos, hinuon mo pasuber sa tinuod pinaagi sa iyang kaugalingong pangagpas. Kining dughana wala magtinguha nga ilhon og pasalamat sa tabang nga iyang nahimo. Sama sa ulipon nga dili takus, permanente kining mosabot sa uban og magsulay nga naay kalinaw og malipayon sa tanang panahon.

Bisan pa, gikan sa unodnong dughan kon ikaw naay tinguha nga molabaw ka sa uban, gusto kang mailado og naglaom nga pasalamat tungod sa imong binuhatan kompara sa uban. Kasagaran mangagpas ka nga daygon og ilhon tungod kay para nimo naghatag ka og dakong kahago og para nimo, angayan ka nga magpasigarbo. Apan kon ikaw mapaubson, imong mabati nga gamay ka pa kaayo og nahimong tabang bisan ang tinuod dako na kaayo ang kaayuhan nga imong natampo; kana gikan sa dughan sa espiritu. Gani mahimo kapang maulaw kon ikaw hatagan sa mga pasalamat kaysa uban.

Dili pareho sa mga butang nga gipasabot, ang ubang tawo dili mohimo og mauwaw tungod kay wala silay katakus og abi nila dili sila makahimo. Sayop sila sa paghunahuna nga dili nila mahimo ang mahimo sa uban, apan ang mga unodnong kinaiya makita kon sila mobuhat sa mga butang nga kaya ra kaayo nilang buhaton og makakuha silag ilang ikapasigarbo. Kon ang mga butang nga ilang gitinguha dili madayon, mosangpot kini sa dili pagka komportabl, kahamol og ang mga panagsumpaki moabot. Mao nga gikinahanglan atong ilhon ang klase sa sitwasyon aron moabot sa termino nga mahibalo tang moila kon angayan bang dunggon ang atong tingog bisan kon kita naghunahuna nga ang naa sa atong hunahuna, sakto.

### Ang masinabtanong dughan vs. Malabwanong batasan

Ang 'pagkamasinabtanon' maoy kinaiya nga makakita sa kusog og kaayo sa uban. Dinha imong makita ang ilang kuwang og mga apan, og pinaagi ana, imong mahunahuna ang ilang dughan og imong masabtan nganong ila kining nahimo. Magtoo ka nga sila mausab ra unya kon moabot ang grasya sa Diyos diha kanila bisan sa ilang mga kasaypanan. Imo silang awhagon og tabangan aron ilang makugihong makab-ot ang kaayuhan. Sa samang pagsabot og kaayo ang kadaghanan dili magpanuko sa pagduol nimo aron sa pag abli sa ilang dughan og kinasingkasing nga makig istorya nimo.

Kung walay dughang masinabtanon, ang panagbikil dali ra kaayong moabot. Dili nimo masabtan ang uban kon ang imong paminawon ang imo rang kaugalingong hunahuna og posisyon og nangita ka lang para sa imong kaugalingong binipisyo. Kinahanglan imong mahibaloan ang pagtoo, ilang nadak-an, edukasyon, katakus og personalidad sa matag usa nga dili kini manag pareho og nga walay perpekto sama nimo nga dili permanenteng insakto.

Ang tawo nga naay dughan sa espiritu motabon sa sayop sa ubang tawo og naghunahuna lamang sa maayo pinaagi sa pagsabot sa ilang sitwasyon. Sa dili pa mohusga sa uban, iya unang sabton og pamation ang sakit nga ilang naagian.

Kung nahamol ka tungod sa uban, kana nagpasabot nga wala ka nagpaubos. Kon ikaw naghunahuna lang sa imong kaugalingon, dili nimo mapugngan nga naa gyuy mga kagubot. Apan kon mosabot ka sa uban, dili ka makaagi og mga kalisdanan og dili ka mawagtangan og kalinaw. Imong mabati ang dughan sa Diyos og gugma. makadawat ka og mga grasya kon permi kang mosabot sa uban diha sa kamaayo og imong maangkon ang dughan sa espiritu bisan taliwala sa mga kalisdanan.

### Dughan sa Pag-ila vs. Dughan sa Pagdumili

Ang espirituwal nga tawo mo angkon sa iyang kaugalingong sayop kon siya korihian. Dili siya masakitan hinuon magpasalamat bisan og badlongon siya sa ubos pa niya sama sa buhaton sa taas pa niya og posisyon. Maghunahuna lang siya nga gikomentohan sa iyang sayop para sa iyang kaugalingong binipisyo, mao nga siya mapasalamat hinuon. Bisan pa og ang komentaryo sayop, mapaubsonon gihapon kining modawat og mosusi sa iyang kaugalingon, naa permi sa iyang hunahuna nga ang iyang mga binuhatan dili permanenteng sakto.

Tugbang niana, ang unodnong tawo perming mangita og ikapasangil para sa iyang mga sayop kon sila badlongon o maymayan. Dili sila malipay o malain hinuon sa tawo nga nihatag og tambag kanila, maghunahuna nga gihimoan sila og sayop.

Ang tawo sa espiritu moila sa kaayo og insaktong punto sa uban, apan ang mga tawong unodnon dili moila sa nahimo sa uban ubos sa paningkamot tungod kay siya naghunahuna nga kining mga tawhana daghan pa kaayo og kuwang. Tungod kay ang unodnong tawo makakita lang sa tanan basi sa iyang kaugalingong basihan. Og ang mga kahuyang sa uban dali nga moabot sa hunahuna tungod sa ilang kasina og kalagot, mao nga dili sila modayeg sa kahago sa ubang tawo.

Apan ang tawo sa espiritu gusto nga ang uban molambo usab og makakita sa kaayo sa uban bisan dili kini daghan. Og mahibalo kining motabang nga mapausbaw ang kusog sa uban aron matarong ang ilang mga kaluya.

### Dugahn nga Mausab usabon vs. Dughan nga Dili Mausab

Ang tawo nga naay dughan sa espiritu dili mausab sa pagsigi og hatag pasalamat sa grasya nga ilang nadawat. Perming naa sa ilang dughan ang pagbalos niini sobra pa sa grasya nga ilang nadawat. Di sila maghunahuna nga, 'nabayran na nako ang Iyang grasya. Sakto na to!' Sila perming magpasalamat sa kalipay og kapuno sa Espiritu o bisan pa sa panahon sa kalisdanan. Og dili sila mohunong og pagpakitag gugma ngadto sa Ginoo pinaagi sa buhat.

Tugbang niana, katong naay mga unodnong dughan, mausab ang ilang dughan o mga binuhatan kon ang mga butang nga nakapalibot nila dili mosibo alang sa ilang kaayuhan human sa ilang mubo nga pagbalos sa grasya. Magmalipayon og magpasalamat lang sila sa bag-o pa apan sa kadugayan ilang mabati nga napugos lamang sila. Sa kadugayan, ang uban nila mapakyas sa paghimo sa ilang mga panaad og mosupak niini.

Ang tawo sa espitiu dili mausab sama sa uban. Tungod kay sila naglaum nga makakab-ot sa pinakadughan sa espiritu. Ang ilang pinakatungong mao nga makatuman sa kompletong dughan sa espiritu, mao nga mobuhat sila og nindot diha sa kamaayo.

Naghunahuna ka ba nga maningkamot nalang og maglingaw kaysa magsige og nunut? Nakahatag ka ba og kasamok sa uban tungod kay imo lang gihunahuna ang imong posisyon nga dili mosabot sa uban? Nangulipas ka ba sa imong sayop sa dihang ikaw gitumbok? Nihunong ka ba sa pagbayad sa grasya nga imong nadawat tungod kay ang imong dughan nangita lang sa imong kaugalingong benipisyo? Manghinaut mi nga kini makahatag og oportunidad aron sa pagsusi sa imong dughan.

Ang WCDN (World Christian Doctors Network) nagpamatuod sa sagradong kaayuhan sa mga sakit basi sa medical-data og nagsaksi sa lihok sa Diyos. Ilang gipamatud-an nga ang Diyos buhi og ang Bibliya kasaligan gyud pinaagi sa pagpakita sa medikal nga ebidensya niadtong mga nagduda og nilimud nga naa gyud ang Diyos. Hunyo 14-15, 2013, ang WCDN's 10th International Christian Conference gihimo didto sa Toluca, Mexico. Sobra sa 350 ka mga doktor gikan sa 24 ka mga nasod ang nanambong, espesyal nga mga pagpanudlo og presentasyon sa mga sakit nga nangaayo ang gipakita. Sa mga sakit, duha ang natampo nga nangaayo pinaagi sa pag-ampo ni Dr. Jaerock Lee. Himaya sa Diyos!




# Ang World Christian Doctors Network Nagpamatuod sa Gamhanang Lihok sa Diyos pinaagi sa Medikal



**Kaso gikan sa South Korea**  
**Kaso: Cerebral Hemorrhage**  
 Nag presentar: **Dr. Gilbert Chae** (Surgeon)



Kini kaso sa 49 anyos, lalake. Nadaot ang iyang ulo human sa dihang natumba siya sa icy-road niadtong Disyembre 13, 2012. Gidala siya sa ER. Naa siyay naagian nga operasyon sa hematoma sa tuo nga bahin sa iyang utok human sa traffic-accident niadtong 1991.



Sa wala pa ang pag-ampo, naa ang subarachnoid hemorrhage. Human sa pag-ampo, nawala na hemorrhage.

Ang CT-scan sa utok nga gikuha anang adlaw nagpakita nga naay "subarachnoid hemorrhage" diha sa tuo nga dapit, nagporma kini og crescent. Sa follow-up kini nagka grabe, apan dili na siya magpa opera pa. Isip puli niya, ang iyang asawa og anak nidawat sa pag-ampo ni Rev. Dr. Jaerock Lee.

Apan sa ika-7 adlaw sa iyang pagka ospital, nakaangkon siya og pneumonia. Unya, ang mga miyembro sa pamilya naghinulsol nga dili sila espiritwal nga matitud-anon diha sa Diyos. Enero 01, 2013, ila na sad nadawat ang pag-ampo ni Dr. Jaerock Lee para sa ilang amahan. Basi sa CT-scan nga gikuha 2 ka adlaw human sa pag-ampo, ang subarachnoid hemorrhage wala na makita. Ang kaayuhang lihok sa Diyos nahitabo, sama sa panghitabo nga nahisulat sa Bibliya, bisan ang pasyente wala diha sa dihang ilang gidawat ang pag-ampo.




**Kaso gikan sa Mexico**  
**Kaso: Takotsubo Cardiomyopathy**  
 Nag presentar: **Dr. Jose Manuel Pastrana** (Plastic Surgeon)



Ang 19-anyos babaye nagpa cosmetic-surgery niadtong Disyembre 14, 2011. Ang operasyon nagmalampuson nga wala gyuy problema og wala siyay postoperative-complications. Apan human sa duha ka adlaw, naay simtoma sa hypotension, respiratory-failure og nawad-an sa panimuot, mao nga gidali siya og dala ngadto sa ICU. Ang cardiac-ultrasound nipakita sa 'takotsubo cardiomyopathy'. Bisan pa ug naa sa ICU, ang iyang kondisyon wala gyud mo arang arang. Nianang panahona ang mga doktor ni deklarasyon nga ang iyang kaso 'delikado sa kamatayon'.

- A) Ang echocardiogram nipakita sa walang bahin sa 'ventricular dilatation' diha sa acute-phase.
- B) Resolusyon sa wala nga ventricular - function sa pagbalik og eksamin human sa 6-ka adlaw.



Sa dihang siya nanglimbasog sa iyang kinabuhi didto sa ICU, ang iyang pamilya nihangyo ni Dr. Jaerock Lee nga ampoan siya pinaagi ni Dr. Armando Pineda, US Director sa WCDN. Ilang nadawat ang pag-ampo atol sa worship-service sa simbahan og katingalahan nga dili na delikado ang sitwasyon niadtong Disyembre 21, 2011. Kompleto siyang naayo og gipagawas sa hospital.



**Kaso gikan sa Singapore**  
**Kaso: Sepsis, Jaundice**  
 Nag presentar: **Dr. David Eu** (Doktor sa Pamilya)



Ang kamanghurang anak ni David gianak niadtong Oktobre 14, 2009. Sa dihang 7 pa siya ka semana, nakaangkon siya og taas nga hılanat og nagpadayon kini human sa pipila ka adlaw. Ila ning gidala sa 'pediatrician' niadtong Nobyembre 30, 2009. Ang doktor niingon nga ang bata naay 'Urinary Tract Infection' og niingon nga ipadali og admit ngadto sa ospital aron matauran og 'intra venous antibiotics'. Apan nipauli sila sa ilang balay kay naghunahuna nga bata pa kaayo siya para hatagan og 'antibiotics' og basin naa nya ni side-effects. Og tungod kay sila mga Kristohanon, nagtoo sila nga ayuhon kini sa Diyos pinaagi sa pag-ampo.

Human sa duha ka adlaw, si David Junior nangluspad og nagdag ang mata. Ang tiyan niburot og gigil-asan. Si misyonaryo Wong Ping Ping, og ang iyang asawa ni kontak ni Dr. Jaerock Lee sa Manmin Central Church og nihangyo nga ampoan ang bata. Human sa pag-ampo, ang hılanat nisugod og ubos og ang nagburot nga tiyan nikuyos, og nipahiyum ang bata sa unang higayon anang simanaha. Human sa lain pang pag-ampo, ang pagpangluspad nawala.



Ang eksaminasyon sa dugo og ihi gihimo niadtong Disyembre 18, 2009 og kini nagpakita nga normal. Kini nagpamatuod nga ang UTI og ang hepatic-sepsis naayo na. Wala gamiti og medikal nga tambal ang bata, apan kompletong naayo pinaagi sa gahum sa pag-ampo. Karon nagdako siya nga himsog.

## Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuera Sampaloc, Manila, Pilipinas Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Pilipinas Pastor Peter Bae 0910-262-5465	Purok 3, Brgy, San Roque, San Mateo, Isabela, Pilipinas Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen. Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjularo Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714